

[www.BibleForChildren.org](http://www.BibleForChildren.org)

# Maco 8




Ga xucak bakey baki, hik ekana gër ingol ind Kana, gër ebar ed Galile. Mari, nëm ir Yesu na baxo. Ga w̃ac këno Yesu gër ekana elo, yow ko mënḡ bête gë bësëfan bërëxëm ak.



Ga xwëtëk ngoy in, nëm ir Yesu sëka këno, re ko:  
«Ngoy abi bo ex na de!» Mari fel këbi bëriyenin bën:  
«Diyidën er kënun fel yo!»



Ata re ko Yesu: «Yifin tan men oŋ apeya  
kala cëm.» Yifëra këni cëm cëm. Re ko  
bëte: «Dëmbënino gërëgako enjar end  
ofëna eŋ exo tëyix.» Rëmbën këno do  
yëlëx këno.



And sēyī ko enjar end ofēna aŋ, men oŋ nēngwētak  
ngoy, (axo nang bana feye xaniwëk ngoy ino, xarak  
bēriyenin bër rēmb bax men bën  
anang nang bani). Enjar  
end ofēna eŋ w̃ac kēŋo icēn  
in, re ko: «Oko wēj ay  
nang ex na nde mēne and  
kēy nēcēt ngoy inēngax  
xali ebi kor bela aŋ,  
anēbi tēndēnd na  
bēte? Do wēj kēy  
nēcētēgund ngoy  
inēngax in xali  
gērēgako.»




Mondako ri baxo Yesu ecarax eñanar enj gër ingol ind Kana, gër ebar ed Galile. Mondako w̄asin babi enjaran endexëm enj bësëfan bërexëm bën, ata xwëta këno.



Ga xucak eno, Yesu ye ko ger iciw ind  
Simon Piyer. Sek keno ayarawen isoxari  
ir Simon Piyer ga sexw keno.



Yesu ga ħēmba kēŋo na, ayaraŵēn ar Simonj Piyer xoc kēŋo atanj acēxwēl aŋ. Ata xani ko xwiriš ebi dēba.





Genëka ga šëlak eñan eñ, wëlaraw kënëbi gër Yesu  
dek bëshëxwëra bën do bër gë bëyël bën.


Angol añ dek barërëgu  
këni gër ebët ed  
iciw ind Simon bën.



Yesu fakëndëra këbi bëranjëm. Ata oşëxwëra or ex yo  
bani fakënd. Anëcët nęcët babi bëte bëyël bëranjëm gër  
bela, ababi seb na eni yeyan gayik aye nang bano.



Amëxwër an dek bani şaland eno kwixwëta Yesu gayik panga bax şanënd gër ndexëm do babi fakënënd.



Ata ĥatëgu këni bela bënax ga lëbiw këno aseÿik.



Ga šënd këni gër ebët, sëkwan këni eno nateli nješ gër Yesu. Sënga këni yañ ejur ed aciŵ and gër ed ebaxo Yesu el, do yëla këno gë ebën el aseÿik an.




Ga wat ko Yesu mēne bela bëjo axwëta xwëta këno, fel këno aseÿik an: «Asëñiŵën, wëno anëka seban këmi beñënjënax bendeÿ bej.» «Barikan en nangaxën mēne wëno Asëñiŵ ar ala an aŝot ŝot këme or gapak or mëni tebanënd bela bën bamena bandebën baŋ gër ebar ro, ga re këme wëj aseÿik an, kanil, eÿ dëkw ebën edeÿ el do eÿ maÿi!»



Yesu gë bësëfan bën fëra këni gër ikuluᅇ do këni  
xegëtand. And hi këni mërëxand  
gër anjer aᅇ, ᅇatëguk tēb ind  
gë ekoc etēm. Ata men oᅇ kē  
xanind bomeᅇ bomeᅇ xali  
kē rēmbayand ikuluᅇ iᅇ.  
Yesu mēᅇ, kēᅇo  
raᅇënd yēm.



Ga nëngëta ko, ãëka këbi: «Ineãa yëdaraxën kën go?  
Ineãa ex ekwëta etil ed êot kën elo?» Ga xani ko na,  
xeãan ko anjer aŋ gë ekoc el. Ata yeriri!  
Ga êaran këbi bësëfan bën këni ãëkarënd:  
«E ala ajo? Ado anjer aŋ gë  
ekoc el dëŋ abaxëtën  
këno baxëtënënd!»





«Gayikwa Kaxanu mbaŋ ñan këbi  
bela bër gër ngwën ro bën, mën  
yë laxën këbi Asëñiŵ ar tañ arexëm  
an, do ar këŋo xwëta yo exo cot  
aniyan and din aŋ.»



Bërom 3:23 Gayikwa epitëndër ax gi ex na: bela bën dek  
wënan këno Kaxanu, do mëñ hawëtaxën këbi enjaran  
endexëm eñ.

Bërom 6:23 Acosa and ar watak edi ed beñëñënax añ ecës  
el ex. Barikan, er ko yëlënd ayël fo Kaxanu in ex, aniyan  
and din and pab gë ebar ed bar kën gë Yesu Kërisët,  
Axwën arebi el.

Bëšëwif 9:27 Ala an amat fo ko šësënd, ata Kaxanu eño  
kiti.

Bëhefes 2:8,9 Enimin, wën ga xwëta këno Kaxanu  
fexënaxën këñun gë oyekax orexëm ol. Eño oyël orexëm  
ex, ax gi ex na er feyët kën gë andewën. Awa gayikako ax  
gi ex na në end benjekax bend ri kën gë andewën fexaxën  
kën, ala ax kor na exo daf na.



Bërom 10:9,10 Enimin, angëmëne, gë etëÿ edey el dëŋ, këÿ reyand mëne Yesu ex Axwën an, do angëmëne gë emëkw edey el, axwëta xwëta këÿ mëne Kaxanu axanin xanin këŋo gër ecës, afex këÿ fex. Gayikwa and ko ãa ala gër emëkw aŋ ko hind ar ŝenene gër ogës od Kaxanu, and ko reyã gë etëÿ edexëm aŋ ko fexënd.

Ŝaŋ 3:16,17 «Gayikwa Kaxanu mbaŋ ñan këbi bela bër gër ngwën ro bën, mëŋ yë laxën këbi Asëñiÿ ar tañ arexëm an, do ar këŋo xwëta yo exo cot aniyã and din aŋ. Enimin, Kaxanu ebi pexë naxën bela bën laÿwënëgu këŋo Asëñiÿ arexëm an gër ngwën ro, ax gi ex na ebi nëpaxën.»

1 Ŝaŋ 5:11-13 Watin er ex osede olo in: Kaxanu yël këbo aniyã and din aŋ do aniyã aŋo gër Asëñiÿ ex. Ar bar këni gë Asëñiÿ ar Kaxanu an kë ŝotënd aniyã aŋ, bari ar ani bare ex na an, axo cotënd na. Eŋo këmun ÿëgwënë lind en nangaxën mëne aŝot ŝot kë n aniyã and din aŋ wën bër xwëtak oÿac or Asëñiÿ ar Kaxanu bën.



Maco 8-9; Marëk 1-2, 4; Luk 4, 8; Şaŋ 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Oniyan NT (bsc) © 2016, Wycliffe Bible Translators, Inc. All  
rights reserved.

<https://live.bible.is/bible/BSCWBT/GEN/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

